

dignitate, fieri possit, ultro deferre? non acriter adeo cum Principibus agendum, atque cum iis Principibus, qui, una cum imperio libertate, Dei benignitate, hausta, multa eademque præclara pro christiana republica conficere possint. His magna dicendi vi a Donato enuntiatis, commoti haud parum Purpuratorum animi, se excusare, in voluntatem iussaque Pontificis cuncta rejicere.

At Patres Donati literis de his omnibus certiores facti, matura Præconsultorum agitatione præmissa, Senatu consulto, vel Sciarram cum suis dimissuros, vel in orientis insulas amandatos, Clementis arbitrio pollicentur; quamvis dimissum, ne se Uscochis adjungeret, vel denuo in pontificias ditiones irrumpens, præteritis molestiis ærumnisque implicaret, timendum videretur. Neutrum Pontifici placebat; licet, priori mutata sententia, Petrum Comitem sibi tradi peteret; de reliquis postea deliberaturum affirmaret. Donatus, nunquam in id descensurum Senatum ajebat, ut militum præfectum, qui vel pace, vel bello summa fide Reipublicæ operam navaverat, vitam sæpius objecerat, vincula & carcerem in Tamassi oppugnatione perpessus fuerat, traderet; nihil igitur amplius sibi, quam in patriam reditum superesse. Tunc Purpurati solitas excusationes nectunt; cuncta ad Clementem relatu-
 rous affirmant: qui interea nonnihil de priori severitate remittere, mitioraque consilia animo excipere inceperat, Valerio præsertim ac Mauroceno Cardinalibus adnitentibus, qui in eo leniendo prudentiam omnem studiumque contulerant. Maurocenus præcipue, liberrimo atque fervido ingenio, hisce diffidiis assurgentibus, enixe Pontificem rogaverat, ut, quæ acciderant, non secus atque evenerant, sibi subjiceret: *Reipublicæ ingenuitatem sinceritatemque elucere; reliqua fortune malignitati tribuenda esse: duas illum personas, Pontificis alteram, alteram Principis sustinere. Videret, ne nimium banc tollendo, illam aliqua in parte deprimeret.*

Dum hæc Romæ aguntur, Theupolus legatus Senniæ, Fluminis, Vinadolique litora legens, navigatione prædones intercluserat, exitu interdixerat; ita ut in dies com meatu cunctisque ad victum necessariis magis premerentur. Turres quasdam, quibus tutus iis receptus erat, solo æquaverat; Serisam
 oppu-

Valerii &
 Mauroceni
 Cardinali-
 studium in
 Pontifice
 mitigando.

Hermolai
 Theupoli
 contra Us-
 cochos fa-
 cinora.